

アイヌタイムズ 2001年（平成13年）12月20日 木曜日 第20号

アイヌタイムズ

第20号

.....
ユニコード
Yunikôdo
.....

アイヌタイムズ 第14号 オッタ ア | Aynu-taimuzu dai 14 gô or ta

イヌイタク ア・ヌイエ ヒ タ ア・エイワンケ 「アシリ カタカナ 文字コード」 アン セコロ ク・イエ。JIS x0213:2000 セコロ ア・イエ JIS規格 オッタ アイヌイタク ア・ヌイエ ヒ タ ア・エイワンケ アシリ 20 カタカナ 文字コード オカ ルウエ ネ。

ネ カタカナ 文字 アナク ユニコード (unicode) 3.3 セコロ ア・イエ 国際規格 オロ ア・オマレ ワ、アシリ ユニコード ア・カラ。

ユニコード アナク モシリ エピッタ パソコン カ タ ア・エイワンケ 文字コード ネ ルウエ ネ。ユニコード アナク ユニコード コンソーシアム (協会) カン ルウエ ネ。

アップル社 セコロ ア・イエ パソコンソフト 会社 アナク ネ 協会 ウン ウタリ ネ ルウエ ネ。アップル社 アナク アシンノ Mac OS x10.1 (パソコン基本ソフト) カン ルウエ ネ。ネ ソフト オロ アシリ ユニコード ア・オマレ ワ、アシリ カタカナ 文字 ア・エイワンケ エアシカイ。

ネ ソフト オルン ヒラギノプロフォント (hiragino-Pro-font) ア・エイワンケ ヤクン 「コトエリ」 オロ ウン 「文字パレット」 セコロ ア・イエ 文字入力プロセッサ アニ 「テキストエディット (Text Edit)」 セコロ ア・イエ ワープロソフト オロ タ 「アシリ カタカナ 文字」 ア・エイワンケ エアシカイ。コロカ、ネ ソフト ア・エイワンケ コロ 文字 シネブランケ ア・ヌムケ クス ポンノ シンキ・アン ワ。

aynu itak a=nuye hi ta a=eywanke “asir *katakana mozi kôdo*” an sekor ku=ye. *JIS X0213:2000* sekor a=ye *JIS kikaku* or ta aynu itak a=nuye hi ta a=eywanke asir 20 *katakana mozi kôdo* oka ruwe ne.

ne *katakana mozi anak yunikôdo (unicode)* 3.3 sekor a=ye *kokusai-kikaku* or a=omare wa, asir *yunikôdo* a=kar.

yunikôdo anak mosir epitta *pasokon* ka ta a=eywanke *mozi kôdo* ne ruwe ne. *yunikôdo* anak *Yunikôdo Konsôsiamu (kyôkai)* kar ruwe ne.

Appuru-sya sekor a=ye *pasokon-sohuto kaisya* anak ne *kyôkai* un utari ne ruwe ne.

Appuru-sya anak asinno *Mac OS X10.1 (pasokon-kihon-sohuto)* kar ruwe ne. ne *sohuto* or asir *yunikôdo* a=omare wa, asir *katakana mozi* a=eywanke easkay.

ne *sohuto* or un *Hiragino-puro-fonto (Hiragino-Pro-font)* a=eywanke yakun “*Kotoeri*” oro un “*mozi-paretto*” sekor a=ye *mozi-nyûryoku-purosessa* ani “*Tekisuto-editto (Text Edit)*” sekor a=ye *wâpuro-sohuto* oro ta “asir *katakana mozi*” a=eywanke easkay. korka, ne *sohuto* a=eywanke kor *mozi* sinep ranke a=numke kusu ponno sinki=an wa.

ナ アッカリ ピリカ ソフト ア・カ
ラ ワ アイヌイタク ア・ヌイエ エア
シカイ ヤク ピリカ セコロ ク・ヤイ
ヌ。

na akkari pirka *sohuto* a=kar wa aynu i-
tak a=nuye easkay yak pirka sekor ku=yay-
nu.

[横山 裕之] 沙流・千歳